

古

+

+

+

+

古

今

諺

楊
慎
纂

中
華
書
局

古今諺

明 楊 慎 纂

泰誓引古人有言。牝雞無晨。大雅云。人亦有言。惟憂用老。並上古遺諺。詩書所引者也。至於陳琳諫辭。掩目捕雀。潘岳哀稱。掌珠伉儷。並引俗說。而爲文詞也。夫文辭鄙俚。莫過于諺。而聖賢詩書。采以爲談。況踰此者。可忽乎哉。省闕案。原本首行前低二格。有古諺不可忽五字。不成體例。今刪。

諺嘖唁同

論語云。由也諺。諺。俗論也。或作嘖。見文選注。又作唁。劉勰曰。諺嘖唁同一字。諺者。直語也。塵路淺言。有質無華。喪言不文。故弔亦稱唁。劉子新論。子游楊裘而諺。曾子指揮而唁。是諺與唁同也。

諺語有文理

諺語云。三九二十七。籬頭吹觥栗。言冬至後。寒風吹籬落。有聲如觥栗也。合于莊子萬竅怒號之說。而可以爲籬風一之日觥發之解矣。賈人之鐸。可以諧黃鍾。田夫之諺。而契周公之詩。信乎六律之音。出于天

類。五性之文，發於天章。有不待思索勉強者，此非自然之詩乎？余嘗戲集諺語爲古人詩詞中所引者數條，今附于此。○月如彎弓，少雨多風。月如仰瓦，不求自下。羅景綸詩用之。朝霞不出市，暮霞走千里。范石湖詩用之。乾星照濕土，來日依舊雨。王建詩用之。照泥星出依然黑，爛漫庭花不肯休。礮車雲，東坡詩用之。今日江頭風勢惡，礮車雲起雨欲作。風花雲起，下散四野，如煙霧也。晁無咎詩用之。明日揚帆應復駛，蒸雲散亂作風花。日沒胭脂紅，無雨也有風。梅聖俞詩用之。日脚射空金縷直，西望千山薄山赤。野老先知雲又風，明日望此重雲黑。東齋晴，西齋雨，則詩所謂朝隋于西，崇朝其雨也。霜淞打雪淞，貧兒備飯甕。則東坡詩所謂敢怨行役勞，助爾歌飯甕也。日暈主雨，月暈主風，則梅聖俞所謂月暈每多風，燈花先作喜。明日挂歸帆，春湖能幾里也。天河中有黑雲，謂之黑猪渡河。主雨，則蕭冰崖所謂黑猪渡河，天不風。蒼龍銜燭不敢紅也。秋甲子雨，禾頭生耳，則杜工部所謂禾頭生耳，禾穗黑也。他如雨灑上元燈，雲掩中秋月。又黃梅寒，井底乾。及云，河射角，好夜作，犁星沒，水生骨。又云，春寒四十五，貧兒市上舞。貧兒且莫誇，且過桐子花。又云，黃梅雨未過，冬青花未破。冬青花已開，黃梅雨又來。又云，舶艚風雲起，旱魃深歡喜。又云，商陸子熟，杜鵑不哭，皆爲唐宋詩人引用。若陸璣詩疏引諺云，黃栗留看我麥，又引蜻蛚鳴，衣裘成，蟋蟀

鳴嬾婦驚夏小正註引天河東西漿洗寒衣國語注引古語上長冒櫟陳根可拔耕者急發四民月令引農諺三月昏參星夕杏葉盛桑葉白又云杏子開花可耕白沙又貸我東籬償我白梁先儒皆以解經不但詩詞之資而已詩詢芻蕘舜察邇言良有以哉

賈子引黃帝語

日中不彗是謂失時操刀不割失利之期執斧不伐賊人將來涓涓不塞將爲江河熒熒不救炎炎奈何兩葉不去將用斧柯爲虺弗摧行將爲蛇

賈子書所引止首四句餘見太公兵法蓋卽漢藝文志黃帝中機銘孔甲盤孟書也銘云無掘壑而附邱無舍本而治末日中必彗操刀必割執斧必伐日中不彗

是謂失時操刀不割是謂失利執斧不伐賊人將來涓涓不塞將爲江河熒熒不救炎炎奈何兩葉不去將用斧柯此銘漢以下文士多引用之而不見其全惟見於兵書如此

太公兵法引黃帝語

黃帝曰余居民上搖搖恐夕不至朝慄慄恐朝不及夕兢兢業業日慎一日人莫躡于山而躡于垤

韓非子引先聖諺

人莫躡于山而躡于垤

韓非子引此云先聖有諺可證中機之銘出于黃帝無疑矣

韓非子引先聖言

規有摩、而水有波。我欲更之、無奈之何。

此云先聖言而句有韻。疑亦巾幘銘之類也。

孟子引夏諺

吾王不遊、吾何以休。吾王不豫、吾何以助。

劉熙曰：春行曰遊，秋行曰豫。左傳：季氏有嘉樹，韓宣子譽之。服虔曰：譽，與豫同。游於樹下也。唐宋之間詩：春豫臨池近。○本作春豫臨池宴。

曾子引諺

人莫知其子之惡，莫知其苗之碩。

左傳羽父引周諺歷十一年

山有木，工則度之；賓有禮，主則擇之。

虞叔引周諺桓十年

匹夫無罪，懷璧其罪。

士雋引諺閔元年

心苟無瑕，何恤乎無家。

宮之奇引駘

輔車相依，唇亡齒寒。輔，頰也。車，牙車。又曰頰車，牙下骨之名也。輔，爲外表，車爲內骨。

鄭諺

僖七年。○鄭大夫孔叔言于鄭伯。

心則不競，何憚於病。

言心既不能自強，何畏難于卑弱之病。即齊景公所云，既不能令，又不受命也。左傳既不能強，又不能弱。

宋諺文公二年

庇焉而縱尋斧焉。八尺曰尋，所以量木也。偕，木之庇，而縱放尋以量之，斧以伐之。

鄭子產引古言

文十七年。○正義曰：古人有言，非謂前代之人有此言也。據今時而道前世。

畏首畏尾，身其餘幾。鹿死不擇音。音，讀作休。

音，讀作休。陸之陸。

晉伯宗引古言宣十五年

雖鞭之長，不及馬腹。

古今諺

古今諺

伯宗引諺

高下在心。川澤含污。山藪藏疾。瑾瑜匿瑕。國君含垢。

漢書亦引此諺。無高下在心一句。

羊舌職引諺宣十六年

民之多幸。國之不幸也。

韓厥引古言成十七年

殺老牛。莫之敢尸。

謝息引人有言曰昭七年

挈瓶之智。守不假器。

子產引古言昭七年

其父析薪。其子弗克負荷。

子服惠伯引諺昭十三年

臣一主二。

子產引諺昭十九年

無過亂門。

楚令尹子瑕引諺昭十二年

室於怒。市於色。

戰國策。怒於室者。色於市。

宋對楚蘧越昭二十二年

唯亂門之無過。

子太叔引人亦有言昭二十四年

饗不恤其緯。而憂宗周之隕。爲將及焉。

魏子引諺昭二十九年

唯食忘憂。

國語作唯食可以忘憂。

周太子晉引人有言國語

無過亂人之門。

亂人。狂悖惡亂之人。無過其門。干其怒也。

佐離者。嘗焉。佐鬪者。傷焉。

俗言助祭得食。助鬪得傷。

禍不好。不能爲禍。

財色之禍。生於好之。

古今諺

單穆公引諺

衆心成城。衆口鑠金。

衛彪奚引諺

從善如登。從惡如崩。

單襄公引諺

獸惡其網。民惡其上。

鄭叔詹引諺

黍稷無成。不能爲榮。黍不爲黍。不能蕃廩。稷不爲稷。不能蕃殖。所生不疑。惟德之基。

越諸稽郢引諺

狐狸之。而狐搢之。是以無成功。

越王引諺

注。諺。俗之善語也。

鮐飯不及壺飧。盛饌未具。不如重飧之救饑疾也。

列子楊朱篇引古語

生相憐，死相捐。

又引古語

人不婚宦，情欲失半；人不衣食，君臣道息。

又引周諺

田父可坐殺。

荀子引民語

欲富乎，忍恥矣。

荀子引古言子道篇

衣與、繆與、不女聊。與、歟通。言雖衣服我，綢繆我而不敬不順，則不聊汝也。

戰國策引語曰

騏驥之衰也，駑馬先之；孟賁之倦也，女子勝之。

古今諺

楚策莊辛諺

注傳言曰諺

見君之乘、下之、見杖、起之。

楚策莊辛引鄙語

見兔而顧犬、未爲晚也。亡羊而補牢、未爲遲也。

牢一作籬。古音同。

荀卿謝春申君書引諺

痛人憐王。

韓非子厲憐王。此不恭之語也。雖然古無虛諺。不可不審察也。

孟嘗君引鄙語

借車者、馳之。借衣者、披之。

鬼谷子引古語

女愛不敝席。男歡不盡輪。

戰國策。寵女不敝席。寵臣不敝軒。

齊語七略

天口駢談天衍雕龍奭炙穀輅髡。史記無天口駢三字。駢指田駢也。

蘇秦說楚一作張儀

削株掘根。無與禍鄰。禍乃不存。

蘇秦說韓引鄙語

寧爲雞口。無爲牛後。

韓策張儀引諺

貴其所以貴者貴。所以貴人所同貴。

韓策周最引語曰

怒於室者色於市。

燕王謝樂問書引諺

厚者不毀人以自益也。仁者不危人以要名也。

古今諺

古今諺

孟子引齊人言

雖有智慧，不如乘勢；雖有鎡基，不如待時。賈逵曰：基，轉也。轉六寸，所以間窾。

周諺說苑

鄭穆公引周諺云：囊漏貯中。今語則云：船裏不漏針也。

管子諷桓公

不行其野，不違其馬。

言馬以行野，雖不行野，亦不可不調習也。

牆有耳，伏寇在側。

牆有耳者，微謀外泄，古有二言。

鷓冠子

中流失船，一壺千金。

船，音循，釋名：船，循也。循水而行也。

師春引古語

斧小不勝柯。

牟子引古諺

少所見，多所怪。見橐駝，言馬腫背。

趙武靈王引

以書爲御者、不盡馬之情、以古制今者、不達事之變、

祁奚引

擇君莫若臣、擇子莫若父、管子亦引云、知臣莫若君、知子莫若父、

列子

爭魚者濡、逐獸者趨、呂覽、救溺者濡、救奔者趨、

申叔時引

牽牛以蹊人之田、而奪之牛、牽牛以蹊者、信有罪矣、而奪之牛、罰已重矣、

趙文子引古諺

善人在患弗救、不祥、惡人在位弗去、亦不祥、

四民月令引農諺

河射角、堪夜作、犂星沒、水生骨、
麻黃種麥、麥黃種麻、夏至後、不沒狗、言種麻貴、在夏至前、但雨多、沒豪駝、五月及澤、

父子不相借。並言麻候。

子欲富黃金覆。謂秋後種麥曳柴壅麥根也。

羸牛劣馬寒食下。智如禹湯不如常耕。鋤頭三寸

澤。言耕之益也。子欲富黃金覆言靜之益也。

富何卒耕水窟。貧何卒耕水窟。耕而不勞不如作暴。雲行東車馬通。雲行西馬

濺泥。雲行南水漲潭。雲行北好曬麥。未雨先雷船去步歸。鴉浴風鵲浴雨。春甲子雨乘船入市。夏

甲子雨赤地千里。秋甲子雨禾頭生耳。冬甲子雨飛雪千里。上火不落下火滴。活。言丙丁也。稻秀雨澆。

麥秀風搖。雨打梅頭無水飲牛。船艤風雲起旱魃深歡喜。

易緯引古語

一夫兩心拔刺不深。躡馬破車惡婦破家。

詩疏引齊諺

上山斫檀。榱榱先殫。榱音送。榱音令。檀與二木相似。

斫檀不諦得。繫迷繫迷。尙可得駁馬。駁馬亦木名。馬音如塗抹之抹。檀與二木又相似。

富辰引諺

兄弟譏閱。侮人百里。

春秋緯引古語

叶珠於澤。誰能不含。月麗于畢。雨滂沱。月麗于箕。風揚沙。

詩疏引上黨人調

問婦人欲買楮。不謂竈下有黃土。欲買斂。不謂山中自有塔。

河圖引蜀謠

汶阜之山。江出其腹。帝以會昌。神以建福。

三秦記民謠

武功太白。去天三百。孤雲兩角。去天一握。山水險阻。黃金子午。蛇盤鳥櫺。勢與天通。

詩疏引齊語

疲馬不渡澠水。澠水之流迅急。

列女傳引古謠

食石食金鹽。可以支長久。食石食玉豉。可以得長壽。金鹽五加皮也。玉豉地榆也。